

EUSKERAZALEAK BATZARREAN

BATZAR NAGUSIA

Bazkun guztiak egin bear izaten dabe urtero euren Batzar Nagusia: Ekintzak aztertu ta bazkideak agertu, diru-arazoak argitu, arduradun barriak aukeratu, bazkideen itaunak erantzun egokia emon... ara, Batzar Nagusi bateko zeregiñik audienak.

EUSKERAZALEAK alkarreak be urtero egiten dau bere Batzar Nagusia eta aurren be egin dau, Karmen'go eleizearen aspian dagon aretoan eta zemandiaren 3'an.

Ez zan Bazkide asko agiri aretoan. Oso gitxi.

Alde batetik, aretoa bera non zan be ez zan erreza billatzea, baten batzuk billatu ezinda be, joango ziran. Etxegintza lanak sarrerea galazoten eban eta alboko ate bat billatu bear zan.

Gaiñera ordu beratan beste batzar garrantzitsu bat, gitxienez, ba egoan, politikarientzat oso garrantzitsua, eta bictara ezin sartu.

Zalantza barik, bazkide askok uste izaten dabe kuota ordaindu ezkeron naikoa egiten dabela, alkarrearen aurrepenerako geiago alegindu barik. Alkarte ta bazkun askotan agertzen dan akatza au, baiña guztietatik urrindu bearrekoa.

GIZON TXALOGARRIAK

EUSKERAZALEAK alkarreko arduradunak, geinak, alkarrearen irasleak * dira, edo lenengoetatik gaur arte arduradun izan diranak.

An agiri ziran, mai-buruan, Oleaga, Montiano ta Zubiri jaunak euren ekiñdiaren barriak emoteko gertu.

Gizon gogotsuak eta benetako euskerazaleak oneik eta onein lagunak! Euskeraren izena be gorroto zan aldian, eurak aurpegia emon eben eta Euska-

lerriaren eskubide aundi bat, bere izkuntzea erabiltekoa, arduratsu zaindu eben.

Lenengo oinkadak beti izaten dira gatak: Dirurik ez, etxerik ez, baimenik ez, laguntzailleak billatu bear... Eta oztopo guzti oneik azpiratu eta bide zuzenean jarri eben Alkarrea gizon txalogarri oneik, eta urteetan iraun azo.

Lan guztia, inok txalotu barik, omenaldi barik! Euzkadi'k ez dau aitzuko oneik egin daben lan apal eta onuragarria.

ARDURADUN BARRIAK

Lengo batzar agiria onartu, diru-arazoa garbitu, urteko ekintzak agertu eta gero egitarauaren azkenengo gaia zan, itaunak eta erantzunak, alde batera: Alkarrearen arduradun barriak aukeratzea.

Munitxa'tar Lourdes'ek aurkeztu eban aukeragaien zerrenda bakarra eta bertan egozan guztien autarkiz onartua izan zan zerrenda ori.

Laukietan ikusi daikez irakurleak lengo arduradunak izan diran gizon txalogarrien eta orain ardurea artzen daben barrien izenak eta ardurak.

Aldakuntza au egikeran, **Euskerazaleak** bazkuneko gurariak oneik izan dira:

- Oraintsu sortu dan giro barri-rako gizon barriak ezarri.
- Asmo barriak izan daikezen gizon barriak bidea idegi.
- Lenean, sailla ez bardiñetan diarduen gizonak sartu Batzordera.
- Gaurko giroan lan barriak asmatzeko artea zabaldu.

Ardura au artu dogunok, lan egiteko gagoz, baiña lengo arduradun zintzoai eta EUSKERAZALEAK Alkarre onetan bazkide diran guztiak euren la-

guntza eskatzen dautsegu eta ez daukuela ukatuko uste dogu.

LAN SAILLEAK

EUSKERAZALEAK taldeak antxiñatik diardu lanean eta oraintsu be sartu da lan-arlo barrietara.

Euskerea ikasteko esku-liburuak aterate zan bere lan bat eta orretan lan polita-egin dau. Indartu ta aurrera atera biarko da lan ori eta, gaiñera, beste liburu batzutara zabaldu: Esku-liburuak, irakurgaiak, gai sakonagoak... Eta orretarako sariketa batzuk eratzea be ez litzake txarto izango.

Irakaskintza izan da talde onen lan barezia, euskerea irakastea, eta gaur be eundak dira ikasle barriak. Orretan be ekingo dogu, gure Bilbo onetan euskereak aurrera egin dagian.

KILI-KILI'ri babesa ta laguntza emotea izan da urrengo lana, oraintsu artua. Lan ederra KILI-KILI'k gure umeen alfabetze-bidean egiten dauana!

Eta askenez, oraintsuago artu dauan arloa ZER gure aldizkaria izan da, bazkideen artean eta landa zabalagoan cuskal-kultura ta arazoan ardurea sartzeko bidea.

AURRERA BETI

Artutako lan-saille guzti onei eutsi ta indarra emon, lan barriak asmatu eta aurreratu, EUSKERAZALEAK erakunde bera sendotu, zabaldu, indartu, ora or ames batzuk.

Orretarako zabalkunde-lana be indartu bearko da, aldizkarictan, irratietan, izparringietan...

OLAZAR'tar Martin'ek

LENGO ARDURADUNAK:

Landakaria: **Olega'tar Jesus.**
Lendakari-ordea: **Urkijo'tar J. R.**
Diruzaiña: **Elgezabal'tar Xabier.**
Idazkaria: **Montiano'tar J. Ant.**
Maikoa: **Peña'tar Xabier.**
Maikoa: **Zelaia'tar Adrian.**
Maikoa: **Makua'tar J. M.^a**
Maikoa: **Arandia'tar Miguel.**
Maikoa: **Egurrola'tar Iñaki.**
Maikoa: **Goñi'tar Karmele.**
Maikoa: **Zubiri'tar Iñaki.**

ARDURADUN BARRIAK:

Lendakaria: **Zubiri'tar Iñaki.**
Lendakari-ordea: **Peña'tar Xabier.**
Diru-zaiña: **Dañobeitia'tar Kepa.**
Idazkaria: **Ibarra'tar Bernardo.**
Maikoa: **Olazar'tar Martin.**
Maikoa: **Retolaza'tar José Ant.**
Maikoa: **Egurrola'tar Iñaki.**
Maikoa: **Fernández Karmele.**
Maikoa: **Landajuela'tar Andoni.**
Maikoa: **Arrieta Jauna.**
Maikoa: **Elgezabal'tar Xabier.**